

quels on honnore la sainte Vierge
en diuers lieux de la Chrétienté.
C'estoit vne deuotion ordinaire à
ces pauures habitans, d'aller visiter
ces petits oratoires en diuers iours
de la semaine, principalement les
Samedis, que le concours y estoit
plus grand, & en chaque maison
matin & soir, tout le monde se ras-
sembloit pour y faire les prieres en
commun, & l'examen de leur con-
science, & pour y dire les Litanies
de la tres-sainte Vierge: le chef de
la famille estant d'ordinaire celuy
qui faisoit les prieres, & auquel tous
les autres respondoient, femmes,
enfans & seruiteurs.

A Quebec & aux habitations qui
en dépendent, cette façon de faire
les prieres matin & soir a esté vne
deuotion ordinaire, chaque maison
ayant pris vn Sainct pour Patron, &
fait vn vœu public, que chacun se